



392691 —
392721

Mag. St. U.




2137 [illegible]

193.



Ex-Libris
PODHORCE

ADRY. GEL.




392691 —


392721

Mag. St. Dr.

III

664





A C T U M

In Castro inferiori Leopoliensi, Feriâ secundâ post Festum San-
ctæ DOROTHEÆ Virginis & Martyris proximâ Annô Domini
Millesimo Septingentesimo Quinquagesimo Quarto.

392712

Ad Officium & Acta Castrensia Capitanealia Leopoliensia personaliter veniens
Magnificus Martinus Łopuski Venator Terræ & Regens Castrensis Drohice-
sis obtulit Officio præsentî, & ad acticandum porrexit Decretum Comitiale Re-
gni respectu Dispositionis Ordinationis Ostrogienfis in Comitibus Generalibus
Regni prolatum, Typo reimpresum, tenoris sequentis.

JOANNES TERTIUS DEI GRATIA REX POLONIÆ,

Magnus Dux Lithvaniæ, Russiæ, Prussiæ, Masoviæ, Samogitiæ,
Kijoviæ, Volhyniæ, Podoliæ, Podlachiæ, Livoniæ, Smolensciæ,
Severiciæ, Czerniechoviæq;

Significamus Præsentibus Literis nostris, quorum interest, U-
niversis & Singulis, contineri in Libro Decretorum Cancel-
lariatus & Vice-Cancellariatus Regni, Decretum Comitiale
infra scriptum, cujus tenor sequitur, estq; talis: Joannes Casimirus
DEI Gratia REX Poloniæ &c. Significamus &c. Citatum fuisse ad Nos, & Con-
ventum Regni Generalem, Literis Citationis Nostræ, Generosum Alexandrum
Ducem in Ostrog, & Zaskaw, de Causâ infra scripta, ad Instantiam Generosi In-
stigatoris Regni, ex Delatione Magnificorum Ducum Militarium atq; Thesaurarij
Regni Agentium, Actorum; Qui ipsum cum Assistentia Magnificorum Tutorum,
inhærendo Ordinationi, olim Illustris & Magnifici Janussij Ducis in Ostrog, Co-
mitis in Tarnow, Castellani Cracoviensis Pro Avi & Antecessoris ejusdem, cita-
vit pro eo: Quia ille existens Ordinatus Successor Bonorum prædicti olim, Ma-
gnifici Castellani Cracoviensis, conditioni, in eadem Ordinatione expressæ, sic so-
nantis: (Tenebitur insuper futurus Hæres, & Successor, præsentibusq; obligatur
pro qualibet urgente necessitate Reipublicæ contra Tartaros Turcasq; & alios id
genus Christiani Nominis Hostes trecentos Equites, totidemq; Pedites idoneos,
sumptibus propriis, vel ipsemet in Persona sua, vel suum locum tenentem, virum
strenuum, idoneum, & Rei militaris peritū expedire, educere, Exercituiq; Reipubli-
cæ adjungere) contravenit in Eo: Quia idē Citatus prout anterioribus pluribus, ita
& novissimæ Expeditioni Nostræ, contra Moschos, hostibus Christiani Nominis,
nimirū Astrachensibus, Cassanensibus & alijs, subnixos, Trecentos Equites, ac totidē
Pedites, cum Persona Nostra Regia, non expedit, ob idq; conducendi aliam Tur-
mam Militum in eorum locum, ac exinde damni Thesauro Reipublicæ ansam &
occasionem præbuit. Ad videndum itaq; & audiendū, ipsum, ad Refusionem da-
mnorum Reipublicæ, pro Sexcentis Militibus erogatorum; in instanti faciendam
stringi, & nihilominus Milites supra scriptos, contra hostem præfatum, & ipsius
subsidiarios expediri, decerni, pœnam Amissionis Bonorum Ordinatorum, seu
aliam, de Jure competentem, interponit, idq; quod Juris est statui citatione
ipsa de præmissis, latiore. In modernis itaq; Comitibus Regni Generalibus, termi-
noq; ex præinserta citatione, arresto, & additione Patroni, legitime ad præsens,
proveniente, & hucusq; continuato: Partibus supra nominatis, Auctoreâ perso-
nali.

naliter, citatâ verò, per Magnificum Stanislaum Bieniewski Palatinum Generalem Czerniechoviensem, uti Tutorem suum, coram nobis & præsentì Conventu Regni Generali comparentem, eumq; terminum, attentantem; & in controversias suas Jure mediante inter se descendentem: Et Actorea quidem partè personalem comparitionem Generosi Citati uti munere Nuncii Terræ Mielnicensis, in nuperrimis Regni Comitibus functi, ideoq; Jus plenæ Ætatis consecuti, seu Plenipotentia Ipsi, tanquam in Causa, Quæstionis Hæreditariæ, Bonorum Productionem urgente. Porro Magnifico Palatino Tutoriam Personæ, & Bonis Citati, in minorennitate existentis, ad annos Ætatis Ipsi nimirum hinc, ad Triennium deberi remonstrante, munus autem Nuicii Terrestris non ætati, sed Generi, & nomini Ejusdem Generosi Citati Pupilli sui, à Conventu Terræ Mielnicensis, favorabiliter, pro Tyrocinio cognoscendorum potius, quàm tractandorum negotiorum Reipublicæ delatum, Juri Tutoriæ & Rei privatae, ejusdem Pupilli, minimè præjudicasse deducente. Nos cum Senatoribus & Consiliariis Regni, ad præsentem Conventum congregatis, Lateri Nostro assidentibus, post Partium Controversias, Jus Tutorium Personæ & Bonis Generosi Citati Minorennis, ad annos ab hinc tres inclusive à Tutoribus suis, deberi adinvenimus, Legalitateq; Ejusdem Tutoriæ, per id tempus declarata, præfatum Magnificum Palatinum Czerniechoviensem, uti unum ex Tutoribus, ad defensionem causæ præsentis admissum, & eandem Partibus prosequi mandamus. In cujus prosecutione Partibus iisdem de exceptione tenuioris conditionis præsentis Bonorum Ordinatorum in instrumento Ordinationis apposita disceptantibus; & Actorea quidem, meliorem ipsorum conditionem per tantum ab Expeditionibus bellicis interstitium asserente: Citatâ verò ad publicam eorundem desolationis notitiam, provocante, & nihilominus continuam Peditatus Præsidarij, in Fortalitio Dubnensi, uti propugnaculo universæ Reipublicæ, sumptibus suis, loco expeditionis, conservationem deducente. Nos cum præfatis Senatoribus & Consiliariis lateri nostro assidentibus exceptis partium Controversiis, allegationibus & defensis, eisdemq; probè discussis, primò ea in causa deliberavimus, ac tandem expediendam præhabitam deliberationem nostram, eoq; attentò. Quoniam præsidium Fortalitii Dubnensis, Securitati Reipublicæ opportunum, & necessarium est; ideo quantum attinet Peditatum in Ordinatione expressum, Generosum Citatum, ab expeditione ipsius, ad Castra pro Annis retroactis, & in futurum duntaxat ad pacatiora Terrarum Ucrainensium tempora eliberandum esse duximus; prout quidem eliberamus; ita tamen, & cum ea conditione, ut Generosus Citatus (& eo in minorennitate existente) Tutores ipsius in Fortalitio præfato Dubnensi Præsidium sufficiens, & idoneum ad tempora supra scripta, continuo foveant & conservent, attendantq; ne aliquid, ex defectu Præsidii ejusdem Respublica capiat detrimenti. Quantum verò attinet Trecentos Equites, respectu eorum quoq; habitâ relatione conditionis temporum in Ordinatione ad quam agitur exceptæ & præcustoditæ, Generosum Citatum, pro Annis præteritis, ab impetitione præsentì, liberum & absolutum facimus, ac pronunciamus; nihilominus: quoniam Judicio nostro Comitiali expositum est, præter bona, ad Mentem Ordinati Hæredis pertinentia, certos Milites, seu Famulos, alia bona seorsim, & particularia per olim Illustrem & Magnificum Janussium Ducem in Ostrog Castellatum Cracoviensem, specialibus Privilegiis cum onere servitii, tam ipsimet Ordinato Hæredi, quàm Reipublicæ, præstandi tenere, & possidere; ideo decernimus, quatenus Idem Generosus Citatus, & Eo in Minorennitate suprâ determinatâ existente, Tutores ipsius, Milites præfatos seu famulos, possessione uniuscujusq; competenti, & servitio hujusmodi idoneos, pro qualibet urgente

necessitate Reipublicæ, contra Tartaros Turcasq; & alios id genus Christiani nominis Hostes per locum tenentem Citati Virum strenuum, idoneum, & Rei militaris peritum ad Castra mittant, & expediant, eosdemq; Exercitui Reipublicæ & Disciplinæ Militari adjungant, atq; ad præmissa exequenda non obstantibus quibusvis eorundem Militum seu Famulorum oppositionibus, vigore Juris Hereditarij, & Jurisdictionis Generosi citatis, adigant. Porro Refrarios & inobedientes, si aliqui reperti fuerint, juxta præscriptum Ordinationis judicent, bonis amoveant & in locum contumacium, alios substituant, ac servitium præfatum pro quantitate, & qualitate bonorum in ordinem debitum reducant, nec præsentis Decreto contraveniant, sub pænis, in eadem Ordinatione descriptis, præsentibus interpositis, per Generosum Instigatorem Regni vindicandis. *Insuper Approbatio Ordinationis, Ordinationem revensitam, in omnibus Punctis, & clausulis illibatam conservari, & feliciori Reipublica tempore, bonis nimirum Generosi Citati de manu Hostium recuperatis, & ad primam conditionem reductis, Eundem Generosum Citatum, ad integram militiæ, tam Equestris, quàm Pedestris expeditionem juxta præscriptum Ordinationis, obligatum esse volumus & declaramus, præsentis Decreti nostri Comitialis vigore.* In cujus Fidem, Præsentes, Sigillò Regni communiri jussimus. Actum Varsoviæ in Conventu Regni Generali, Feriâ Quartâ post Festa Solemnia Sacri Paschatis, Gloriosissimæ Resurrectionis Christi Domini, proximâ. A. ejusdem Millesimò Sexcentèsimò Sexagesimò Septimò. Regnorum nostrorum, Poloniæ & Sveciæ Vigésimò Annò. Relatio Reverendissimi Domini Andreæ Olzowski Episcopi Culmensis & Pomeraniæ, Vice-Cancellarij Regni. Quod quidem superscriptum Decretum, Nos ex eodem Libro, fideliter de verbo ad verbum depromptum, Parti postulanti, Authenticè extradi permisimus. In cujus rei Fidem, præsentibus Sigillum Regni est appressum. Datum Varsoviæ Feriâ tertiâ post Dominicam Judicæ Quadragesimalem proximâ, Die scilicet decima Mensis Aprilis Annò Domini Millesimò Sexcentèsimò Nonagesimò Sextò, Regni verò Nostri vigésimò secundo Annò.

Relatio Illustrissimi & Reverendissimi Domini Dom: Georgii Albrachti Denhoff Episcopi Premisliensis, Præpositi Cathedralis Plocensis, Abbatia Vitovienensis perpetui Administratoris, Supremi Cancellarii Regni.

Mathias Ladowski S. R. M. Secretarius
mpp:


Post cujus Ingrossationem Originale ejusdem Exemplar: idem prius offerens, rursus ad se recepit & de recepto Officium præfens quietavit.



Ex Act: Castren: Capitane
Leopolienfibus Extraditum.

Correxit Bakowski mpp:

Legit Mierzeiewski



Biblioteka Jagiellońska



str0025456

DE LA
BIBLIOTHEQUE
DE LA
VILLE DE
MONTREAL
DE LA
VILLE DE
MONTREAL